

6

ҚАЗАҚСТАН РЕСПУБЛИКАСЫ
АҚТӨБЕ ОБЛЫСЫ АҚТӨБЕ ҚАЛАСЫНЫҢ ӘКІМДІГІ

ҚАУЛЫ

№4144

«3» тамыздағы 2021 ж.

**«Meditec» жауапкершілігі шектеулі серіктестігінің жер учаскелерінің
нысаналы мақсатын өзгерту және біріктіру туралы**

Қазақстан Республикасының 2003 жылғы 20 маусымдағы №442-ІІ-ҚРЗ Жер Кодексінің 18, 43, 49-1 баптарына, Қазақстан Республикасының «Қазақстан Республикасындағы жергілікті мемлекеттік басқару және өзін-өзі басқару туралы» Заңының 31, 37 баптарына сәйкес, «Meditec» ЖШС-нің өтініші, қалалық жер комиссияның 2021 жылғы 21 мамырдағы №25 қорытындысы негізінде қала әкімдігі **ҚАУЛЫ ЕТЕДІ:**

1. «Meditec» жауапкершілігі шектеулі серіктестігінің Ақтөбе қаласы, Астана ауданы, О.Кошевой көшесі, 94 мекен-жайындағы жеке меншік құқығына берілген жер учаскелерінің, оның ішінде: көлемі 1126 шаршы метр құрылыс құқығынсыз офиске жақын жатқан аумақты көріктендіру үшін (кадастрлық нөмірі 02-036-001-422) №1 учаскенің; көлемі 990 шаршы метр офисті орналастыру және қызмет көрсету үшін (кадастрлық нөмірі 02-036-001-241) №2 учаскенің нысаналы мақсаты өзгертілсін және жер учаскелерінің нысаналы мақсаты «үй-жайларды (құрылыстар мен ғимараттарды) орналастыру және қызмет көрсету үшін» деп саналсын.

2. «Meditec» жауапкершілігі шектеулі серіктестігінің жоғарыда көрсетілген жер учаскелері біріктірілсін және Ақтөбе қаласы, Астана ауданы, О.Кошевой көшесі, 94 мекен-жайында үй-жайларды «құрылыстар мен ғимараттарды) орналастыру және қызмет көрсету үшін жеке меншік құқығындағы олардың жалпы алаңы 2116 шаршы метр деп саналсын.

3. Жер учаскелеріне жеке меншік құқығы берілген актілер жарамсыз деп саналсын.

4. Жер асты және жер бетіндегі желілік коммуникацияларды пайдалану үшін жүру және ену мүмкіндігіне сервитут енгізілсін.

5. «Meditec» ЖШС:

1) жер учаскесіне жеке меншік құқығын сәйкестендіру құжатын рәсімдесін және алсын;

2) алты ай ішінде жер учаскесіне жеке меншік құқығын мемлекеттік тіркеуден өткізсін.

6. Ақтөбе қаласы бойынша мемлекеттік кірістер басқармасы салық төлеуші ретінде есепке алсын және қаражаттың бюджетке түсуін қамтамасыз етсін.

7. Осы қаулының орындалуын бақылау Ақтөбе қаласы әкімінің орынбасарына (С.Ли) жүктелсін.

Қала әкімі



А.Шахаров